



眾事分阿毗曇論

宋三藏求那跋陀羅共菩提耶舍譯

眾事分阿毗曇論



清刻龍藏佛說法變相圖

眾事分阿毗曇論卷第一

陞一

尊者世友造

宋三藏求那跋陀羅共菩提耶舍譯

啓請

敬禮最真覺 無為第一尊 敬禮最寂滅

及三垂妙道 敬禮最息心 淨戒清淨僧

今歸憑三寶 欲有所微通 願加垂威神

必流無滯塞 古昔諸尊人 於妙甚深義

究暢無障礙 結集為眾典 助聖揚法化

謹順三藏寶 於彼佛遊國 流宣長賢眾

茲土文不傳 壅埋在葉墨 我釋迦比丘

求那跋陀羅 於此眾事分 真定胡文本

請釋迦比丘 師善提耶舍 於彼胡文典

專精宋辭譯 執筆錄心受 一一從義書

句味粗已定 謹呈舊學僧 實不為名稱

每存增學徒 願以此微緣 善了諸法明
明達四真諦 永處涅槃樂

五法品第一

問云何五答謂色心法心不相應行無爲
云何色謂四大及四大造色云何四大謂地
界水火風界云何造色謂眼根耳鼻舌身根
色聲香味觸入少分及無作色是名色法云
何心謂意及六識云何六謂眼識耳鼻舌身
意識是名心法云何心法謂若法心相應謂
受想思觸憶欲解脫念定慧信精進覺觀放
逸不放逸善根不善根無記根一切結縛使
煩惱上煩惱纏若智若見若無間等此及餘
心相應共起者是名心法法
云何心不相應行謂若法不與心相應謂諸
得無想定滅盡定無想定天命根種類處得事

得入得生老住無常名身向身味身此及餘
不與心相應共起者是名心不相應行法
云何無爲謂三無爲虛空數滅非數滅是名
無爲法

云何地界謂堅云何水界謂濕潤云何火界
謂溫暖云何風界謂飄動

云何眼根謂眼識所依淨色云何耳根謂耳
識所依淨色云何鼻根謂鼻識所依淨色云
何舌根謂舌識所依淨色云何身根謂身識
所依淨色

云何色謂色若好若醜若中間彼二識識先
眼識後意識是名爲色云何聲聲有二種謂
因受四大起因不受四大起彼二識識生耳
識後意識是名爲聲云何香謂香若好若惡
若中間彼二識識先鼻識後意識是名爲香

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



云何味謂味若可喜若不可喜若中間彼二
識識先舌識後意識是名爲味云何觸入少
分謂澀滑輕重冷飢渴彼二識識先身識後
意識是名觸入少分

云何無作色謂法入所攝色彼一識識謂意
識是名無作色

云何眼識謂依眼根行於色云何耳識謂依
耳根行於聲云何鼻識謂依鼻根行於香云
何舌識謂依舌根行於味云何身識謂依身
根行於觸云何意識謂依意根行於法

云何受有三受謂苦受樂受不苦不樂受云
何想有三想謂少想多想無量想云何思心
所造作三種業生謂善不善無記云何觸謂
三事和合生三種觸謂苦觸樂觸不苦不樂
觸云何憶謂心發悟有三種學無學非學非

無學云何欲謂心欲作云何解脫謂心解已
解當解云何念謂心不忘云何定謂一心云
何慧謂於法決斷

云何信謂心淨云何精進謂心堪能勇猛云
何覺謂心麤云何觀謂心細云何放逸謂不
修善法云何不放逸謂修善法云何善根有
三善根謂無貪無恚無癡云何不善根有三
不善根謂貪恚癡云何無記根有四無記根
謂無記愛無記見無記慢無記無明

云何結有九結謂愛結恚結慢結無明結見
結他取結疑結嫉結慳結云何愛結謂三界
貪云何恚結謂於衆生相違云何慢結有七
慢謂慢增慢慢我慢慢增上慢不如慢邪慢
云何慢於卑謂勝於勝謂相似於彼起輕心
自舉自高是名慢云何增慢於等謂勝於勝

謂等於彼起輕心自舉自高是名增慢云何
慢慢於勝謂勝於彼起輕心自舉自高是名
慢慢

云何我慢於五受陰計我所有於彼起輕
心自舉自高是名我慢云何增上慢未得勝
法謂得未到謂到未觸謂觸未證謂證於彼
起輕心自舉自高是名增上慢云何不如慢
於彼極勝謂小不如於彼起輕心自舉自高
是名不如慢云何邪慢非德謂德於彼起輕
心自舉自高是名邪慢如是七慢名慢結云
何無明結謂三界無知云何見結有三見謂
身見邊見邪見云何身見謂五受陰見我我
所有於彼起欲起忍起見是名身見云何邊
見謂五受陰或見常或見斷於彼起欲起忍
起見是名邊見云何邪見謂謗因果於彼起

欲起忍起見是名邪見如是三見名見結
云何他取結有二見謂見取戒取云何見取
謂五受陰第一勝妙於彼起欲起忍起見是
名見取云何戒取謂五受陰清淨解脫出要
於彼起欲起忍起見是名戒取如是二見名
他取結云何疑結謂或諦不了云何嫉結謂
心瞋增廣云何慳結謂心堅著是名九結
云何縛謂結即是縛復有三縛謂貪欲縛瞋
恚縛愚癡縛

云何使有七使謂貪欲使瞋恚使有愛使慢
使無明使見使疑使云何貪欲使有五種謂
欲界繫見苦所斷貪欲界繫見集滅道修道
所斷貪如是五種名貪欲使云何瞋恚使有
五種謂欲界繫見苦所斷瞋欲界繫見集滅
道修道所斷瞋如是五種名瞋恚使云何有

愛使有十種謂色界繫五種無色界繫五種云何色界繫五種謂色界繫見苦所斷愛色界繫見集滅道修道所斷愛如色界繫五種無色界繫亦如是如是十種名有愛使云何慢使有十五種謂欲界繫五種色界繫五種無色界繫五種云何欲界繫五種謂欲界繫見苦所斷慢欲界繫見集滅道修道所斷慢如欲界繫五種色無色界繫亦如是如是十五種名慢使云何無明使有十五種謂欲界繫五種色界繫五種無色界繫五種云何欲界繫五種謂欲界繫見苦所斷無明欲界繫見集滅道修道所斷無明如欲界繫五種色無色界繫亦如是如是十五種名無明使云何見使有三十六種謂欲界繫十二種色界繫十二種無色界繫十二種云何欲界繫十

二種謂欲界繫見苦所斷身見邊見邪見見取戒取欲界繫見集所斷邪見見取欲界繫見滅所斷邪見見取欲界繫見道所斷邪見見取戒取如欲界繫十二種色無色界繫亦如是如是三十六種名見使云何疑使有十二種謂欲界繫四種色界繫四種無色界繫四種云何欲界繫四種謂欲界繫見苦所斷疑欲界繫見集滅道所斷疑如欲界繫四種色無色界繫亦如是如是十二種名疑使云何煩惱上煩惱所謂煩惱即是上煩惱復有上煩惱非煩惱謂除煩惱若餘染汙行陰云何纏有八纏謂睡眠掉悔慳嫉無慚無愧於十纏中無念覆也云何智有十智謂法智比智知他心智等知苦智集滅智道智盡智無生智

云何法智謂知欲界繫行苦無漏智知欲界繫行因無漏智知欲界繫行滅無漏智知斷欲界繫行道無漏智復次法智亦緣法智地無漏智是名法智

云何比智謂知色無色界繫行苦無漏智智色無色界繫行因無漏智知色無色界繫行滅無漏智知斷色無色界繫行道無漏智復次比智亦緣比智地無漏智是名比智

云何知他心智謂若智修果修得不失知欲界色界他衆生現在心心法亦知無漏心心法是名知他心智

云何等智謂有漏慧是名等智

云何苦智謂無漏智思惟五受陰無常苦空非我是名苦智

云何集智謂無漏智思惟有漏因因集有緣

是名集智

云何滅智謂無漏智思惟滅滅止妙離是名滅智

云何道智謂無漏智思惟道如跡乘是名道智云何盡智謂我已知苦我已斷集我已證滅我已修道於彼起智見明覺慧無間等是名盡智

云何無生智謂我已知苦不復當知我已斷集不復當斷我已證滅不復當證我已修道不復當修於彼起智見明覺慧無間等是名無生智

復次我欲漏已盡是名盡智不復當生是名無生智我有漏無明漏已盡是名盡智不復當生是名無生智

云何見謂智即是見或有見非智所謂八無

間忍謂苦法忍苦比忍集法忍集比忍滅法
忍滅比忍道法忍道比忍是名見若智若見
即是無間等

云何得謂得法云何無想定謂遍淨天離欲
上地未離欲作出要想思惟先方便心及心
法滅是名無想定云何滅盡定謂無所有處
離欲上地未離欲作止息想先方便心及心
法滅是名滅盡定云何無想天謂眾生無
想天心及心法滅是名無想天云何命根謂
三界壽云何種類謂眾生種類云何處得謂
得方處云何得事謂得陰云何入得謂得內
外入云何生謂轉陰云何老謂陰熟云何住
謂行起未壞云何無常謂行起壞云何名身
謂增語云何句身謂字滿云何味身謂字身
說味身云何虛空謂虛空無滿容受諸色來

去無礙云何數滅謂數滅滅是解脫云何非
數滅謂非數滅滅非解脫

分別智品第二

十智云何十謂法智比智知他心智等智苦
智集智滅智道智盡智無生智

云何法智緣謂法智欲界繫行緣及無漏緣

云何比智緣謂比智色無色界繫行緣及無
漏緣

云何知他心智緣謂知他心智欲界色界繫
現在他心心法緣及無漏緣

云何等智緣謂等智一切法緣

云何苦智緣謂苦智五受陰緣

云何集智緣謂集智有漏因緣

云何滅智緣謂滅智數滅緣

云何道智緣謂道智學法無學法緣

云何盡智緣謂盡智一切有爲法緣及數滅緣

云何無生智緣謂無生智一切有爲法緣及數滅緣

問以何等故法智欲界繫行緣及無漏緣答謂法智知欲界繫行苦知欲界繫行因知欲界繫行滅知斷欲界繫行道是故說法智欲界繫行緣及無漏緣

以何等故比智色無色界繫行緣及無漏緣謂比智知色無色界繫行苦知色無色界繫行因知色無色界繫行滅知斷色無色界繫行道是故比智知色無色界繫行緣及無漏緣

以何等故知他心智欲界色界繫現在他心心法及無漏緣謂知他心智知欲界色界現

在他心心法及無漏緣是故知他心智欲界色界繫現在他心心法及無漏緣

以何等故等智一切法緣謂等智知一切法巧便不巧便非巧便非不巧便是故等智一切法緣以何等故苦智五受陰緣謂苦智知五受陰無常苦空非我是故苦智五受陰緣以何等故集智有漏因緣謂集智知有漏因因集有緣是故集智有漏因緣

以何等故滅智數滅緣謂滅智知數滅滅止妙離是故滅智數滅緣

以何等故道智學無學法緣謂道智知道道如跡乘是故道智學無學法緣

以何等故盡智一切有爲法及數滅緣謂盡智知我已知苦已斷集已證滅已修道是故盡智一切有爲法及數滅緣

以何等故無生智一切有為法及數滅緣謂
無生智知我已知若不復當知已斷集不復
當斷已證滅不復當證已修道不復當修是
故無生智一切有為法及數滅緣

問法智是幾智幾智少分答法智即法智七
智少分謂知他心智苦智集智滅智道智盡
智無生智

問比智是幾智幾智少分答比智即比智七
智少分謂知他心智苦智集智滅智道智盡
智無生智

問知他心智是幾智幾智少分答知他心智
即知他心智四智少分謂法智比智等智道
智問等智是幾智幾智少分答等智即等智
一智少分謂知他心智

問苦智是幾智幾智少分答苦智即苦智四

智少分謂法智比智盡無生智如苦智集智
滅智亦如是

問道智是幾智幾智少分答道智即道智五
智少分謂法智比智知他心智盡智無生智
問盡智是幾智幾智少分答盡智即盡智六
智少分謂法智比智苦智集滅道智如盡智無
生智亦如是

云何法智即法智謂法智知欲界繫行苦知
欲界繫行因知欲界繫行滅知斷欲界繫行
道是故法智即法智

云何法智知他心智謂法智知他斷欲界繫
行道無漏心心法是故法智知他心智

云何法智苦智謂法智知欲界繫五受陰無
常苦空非我是故法智苦智

云何法智集智謂法智知欲界繫行因因集

世一

十一

有緣是故法智集智

云何法智滅智謂法智欲界繫行滅滅止妙
離是故法智滅智

云何法智道智謂法智知斷欲界繫行道道
如跡乘是故法智道智

云何法智盡智謂法智知我已知欲界繫行
苦知我已斷欲界繫行集知我已證欲界繫
行滅知我已修斷欲界繫行道是故法智盡
智

云何法智無生智謂法智知我已知欲界繫
行苦不復當知知我已斷欲界繫行集不復
當斷知我已證欲界繫行滅不復當證知我
已修斷欲界繫行道不復當修是故法智無
生智

云何比智即比智謂比智知色無色界繫行

苦知色無色界繫行因知色無色界繫行滅
知斷色無色界繫行道是故比智即比智

云何比智知他心智謂比智知他斷色無色
界繫行道無漏心心法是故比智知他心智

云何比智苦智謂比智知色無色界繫五受
陰無常苦空非我是故比智苦智

云何比智集智謂比智知色無色界繫行因
因集有緣是故比智集智

云何比智滅智謂比智知色無色界繫行滅
滅止妙離是故比智滅智

云何比智道智謂比智知斷色無色界繫行
道道如跡乘是故比智道智

云何比智盡智謂比智知我已知色無色界
繫行苦知我已斷色無色界繫行集知我已

證色無色界繫行滅知我已修斷色無色界

聖一

十二

繫行道是故比智盡智

云何比智無生智謂比智知我已知色無色界繫行若不復當知我已斷色無色界繫行集不復當斷知我已證色無色界繫行滅不復當證知我已修斷色無色界繫行道不復當修是故比智無生智

云何知他心智即知他心智謂知他心智知他欲界色界繫現在心心法及無漏心心法是故知他心智即知他心智

云何知他心智法智謂知他心智知他斷欲界繫行道無漏心心法是故知他心智法智云何知他心智比智謂知他心智知他斷色無色界繫行道無漏心心法是故知他心智比智

云何知他心智等智謂知他心智知他有漏

心心法是故知他心智等智

云何知他心知道智謂知他心智知他無漏心心法是故知他心知道智

云何等智即等智謂等智知一切法巧便不巧便非巧便非不巧便是故等智即等智

云何等智知他^{聖一}心智謂等智知他有漏心心法是故等智知他心智

云何苦智即苦智謂苦智知五受陰無常苦空非我是故苦智即苦智

云何苦智法智謂苦智知欲界繫五受陰無常苦空非我是故苦智法智

云何苦智比智謂苦智知色無色界繫五受陰無常苦空非我是故苦智比智

云何苦智盡智謂苦智知我已知苦是故苦智盡智

云何苦智無生智謂苦智知我已知苦不復當知是故苦智無生智

云何集智即集智謂集智有漏因因集有緣是故集智即集智

云何集智法智謂集智知欲界繫行因因集有緣是故集智法智

云何集智比智謂集智知色無色界繫行因因集有緣是故集智比智

云何集智盡智謂集智知我已斷集是故集智盡智

云何集智無生智謂集智知我已斷集不復當斷是故集智無生智

云何滅智即滅智謂滅智知滅滅止妙離是故滅智即滅智

云何滅智法智謂滅智知欲界繫行滅滅止

妙離是故滅智法智

云何滅智比智謂滅智知色無色界繫行滅滅止妙離是故滅智比智

云何滅智盡智謂滅智知我已證滅是故滅智盡智

云何滅智無生智謂滅智知我已證滅不復當證是故滅智無生智

云何道智即道智謂道智知道道如跡乘是故道智即道智

云何道智法智謂道智知斷欲界繫行道道如跡乘是故道智法智

云何道智比智謂道智知斷色無色界繫行道道如跡乘是故道智比智

云何道智知他心智謂道智知他無漏心心法是故道智知他心智

云何道智盡智謂道智知我已修道是故道智盡智

云何道智無生智謂道智知我已修道不復當修是故道智無生智

云何盡智即盡智謂盡智知我已知苦我已斷集我已證滅我已修道是故盡智即盡智

云何盡智法智謂盡智知我已知欲界繫行苦我已斷欲界繫行集我已證欲界繫行滅

我已修斷欲界繫行道是故盡智法智

云何盡智比智謂盡智知我已知色無色界

繫行苦我已斷色無色界繫行集我已證色

無色界繫行滅我已修斷色無色界繫行道

是故盡智比智

云何盡智苦智謂盡智知我已知苦是故盡智苦智

云何盡智集智謂盡智知我已斷集是故盡智集智

云何盡智滅智謂盡智知我已證滅是故盡智滅智

云何盡智道智謂盡智知我已修道是故盡智道智

云何無生智即無生智謂無生智知我已知苦不復當知我已斷集不復當斷我已證滅

不復當證我已修道不復當修是故無生智即無生智

云何無生智法智謂無生智知我已知欲界繫行苦不復當知我已斷欲界繫行集不復

當斷我已證欲界繫行滅不復當證我已修斷欲界繫行道不復當修是故無生智法智

云何無生智比智謂無生智知我已知色無

色界繫行苦不復當知我已斷色無色界繫
行集不復當斷我已證色無色界繫行滅不
復當證我已修斷色無色界繫行道不復當
修是故無生智比智

云何無生智苦智謂無生智知我已知苦不
復當知是故無生智苦智

云何無生智集智謂無生智知我已斷集不
復當斷是故無生智集智

云何無生智滅智謂無生智知我已證滅不
復當證是故無生智滅智

云何無生智道智十一謂無生智知我已修道不
復當修是故無生智道智

問此十智幾有漏幾無漏答一有漏八無漏
一當分別知他心智或有漏或無漏云何有
漏謂知他心智知他有漏心心法云何無漏

謂知他心智知他無漏心心法

問此十智幾有漏緣幾無漏緣答二有漏緣
謂苦智集智二無漏緣謂滅智道智六當分
別法智或有漏緣或無漏緣云何有漏緣謂
法智苦緣集緣云何無漏緣謂法智滅緣道
緣如法智比智盡智無生智亦如是知他心
智或有漏緣或無漏緣云何有漏緣謂知他
心智知他有漏心心法云何無漏緣謂知他
心智知他無漏心心法等智或有漏緣或無
漏緣云何有漏緣謂等智苦緣集緣云何無
漏緣謂等智滅緣道緣及虛空非數滅緣

問此十智幾有為緣幾無為緣答四有為緣
謂知他心智苦智集智道智一十二無為緣謂滅

智五當分別法智或有為緣或無為緣云何
有為緣謂法智苦緣集緣道緣云何無為緣
謂法智滅緣如法智比智盡智無生智亦如
是等智或有為緣或無為緣云何有為緣謂
等智苦緣集緣道緣云何無為緣謂等智二
種滅緣及虛空緣

衆事分阿毗曇論卷第一

音釋

滯塞 滯直例切淹也 究暢 究居又切窮也
 壅埋 壅於隴切壅也 求那跋陀羅 梵語也
 德賢跋 跋坐五切 濕潤 濕失入切 澀滑 澀功
 蒲末切 粗畧也 慚 秦悉切 慳 口間切
 立刮切 志怒恨也 嫉 妬也 慳 口間切

衆事分阿毗曇論卷第二

陞二

尊者世友造

宋三藏求那跋陀羅共菩提耶舍譯

分別諸入品第三

如世尊為闍諦輸盧那婆羅門說一切婆羅

門當知一切者謂十二入云何十二謂眼入

色入耳入聲入鼻入香入舌入味入身入觸

入意入法入

問此十二入幾色幾非色答十是色一非色

一分別法入或色或非色云何色謂法入所

攝身口業是色餘非色

此十二入幾可見幾不可見謂一可見十一

不可見

此十二入幾有對幾無對謂十有對二無對

此十二入幾有漏幾無漏謂十有漏二分別

意入或有漏或無漏云何有漏謂有漏意行

相應意入云何無漏謂無漏意行相應意入

法入或有漏或無漏云何有漏謂法入所攝

有漏身口業有漏受陰想陰行陰云何無漏

謂無漏身口業無漏受陰想陰行陰及無為

法

此十二入幾有為幾無為謂十一有為一分

別法入或有為或無為云何有為謂法入所

攝身口業受陰想陰行陰云何無為謂虛空

數滅非數滅

此十二入幾有諍幾無諍謂十有諍二分別

一若有漏有諍二若無漏無諍如有諍無諍

如是世間出世間有過無過依家依出要使

非使受非受纏非纏亦如是

此十二入幾有記幾無記謂八無記四分別

色入或有記或無記云何有記謂善不善色入云何無記謂除善不善色入諸餘色入如色入聲入意入法入亦如是

此十二入幾隱沒幾不隱沒謂八不隱沒四分別色入或隱沒或不隱沒云何隱沒謂穢汗云何不隱沒謂不穢汗如色入聲入意入法入亦如是

此十二入幾應修幾不應修謂八不應修四分別色入或應修或不應修云何應修謂善色入云何不應修謂不善無記色入如色入聲入意入亦如是法入或應修或不應修云何應修謂善有為法入云何不應修謂不善無記法入及數滅

此十二入幾穢汗幾不穢汗謂八不穢汗四分別色入或穢汗或不穢汗云何穢汗謂隱

沒云何不穢汗謂不隱沒如色入聲入意入法入亦如是

此十二入幾有罪幾無罪謂八無罪四分別色入或有罪或無罪云何有罪謂不善色入及隱沒無記云何無罪謂善色入及不隱沒無記如色入聲入意入法入亦如是

此十二入幾有報幾無報謂八無報四分別色入或有報或無報云何有報謂善不善色入云何無報謂無記色入如色入聲入亦如是意入或有報或無報云何有報謂不善善有漏意入云何無報謂無記無漏意入如意入法入亦如是

此十二入幾見幾非見謂一是見十非見一分別法入或見或非見云何見謂八見名見謂五邪見世俗正見學見無學見餘非見

此十二入幾內外謂六內六外

此十二入幾受幾不受謂三不受九分別眼入或受或不受云何受謂自性受云何不受謂非自性受如眼入色入耳入鼻入香入舌入味入身入觸入亦如是

此十二入幾心幾非心謂一是心十一非心此十二入幾有緣幾無緣謂一有緣十無緣一分別法入或有緣或無緣云何有緣謂心法云何無緣謂非心法

此十二入幾心法幾非心法謂十一非心法一分別法入或心法或非心法云何心法謂有緣云何非心法謂無緣

此十二入幾業幾非業謂九非業三分別色入或業或非業云何業謂身作是業餘非業聲入或業或非業云何業謂口作是業餘非

業法入或業或非業云何業謂法入所攝口身業及思是業餘非業

此十二入幾善不善無記謂八無記四分別色入或善不善無記云何善謂善身作云何不善謂不善身作云何無記謂除善不善身作色聲入或善不善無記云何善謂善口聲云何不善謂不善口聲云何無記謂除善不善口聲諸餘口聲意入或善不善無記云何善謂善意三意惟相應意入云何不善謂不善意四意惟相應意入云何無記謂無記意思惟相應意入法入或善不善無記云何善謂法入所攝善身口業善受陰想陰行陰及數滅云何不善謂法入所攝不善身口業不善受陰想陰行陰云何無記謂法入所攝無記受陰想陰行陰及虛空非數滅

此十二入幾見斷幾修斷幾不斷十修斷二
分別意入或見斷或修斷或不斷云何見斷
若意入隨信行隨法行人無間忍等斷彼云
何斷謂見斷八十八使相應意入云何修斷
若意入學見迹修斷彼云何斷謂修斷十使
相應意入及不穢汙有漏意入云何不斷謂
無漏意入法入或見斷或修斷或不斷云何
見斷若法入隨信行隨法行人無間忍等斷
彼云何斷謂見斷八十八使彼相應法入彼
所起心不相應行云何修斷若法入學見迹
修斷彼云何斷謂修斷十使彼相應法入彼
所起身口業彼所起心不相應行及不穢汙
有漏法入云何不斷謂無漏法入
此十二入幾學幾無學幾非學非無學謂十
非學非無學二分別意入或學或無學或非

世二

五

學非無學云何學謂學意思惟相應意入云
何無學謂無學意思惟相應意入云何非學
非無學謂有漏意思惟相應意入法入或學
或無學或非學非無學云何學謂學身口業
學受陰想陰行陰云何無學謂無學身口業
無學受陰想陰行陰云何非學非無學謂法
入所攝有漏身口業有漏受陰想陰行陰及
無爲法
此十二入幾欲界繫幾色無色界繫幾不繫
謂二欲界繫十分別眼入或欲界繫或色界
繫云何欲界繫謂眼入欲界繫四大所造云
何色界繫謂眼入色界繫四大所造如眼入
色入耳入聲入鼻入舌入身入亦如是觸入
或欲界繫或色界繫云何欲界繫謂觸入欲
界繫四大所造云何色界繫謂觸入色界繫

四大所造意入或欲界繫或色界繫或無色界繫或不繫云何欲界繫謂欲界繫意思惟相應意入云何色界繫謂色界繫意思惟相應意入云何無色界繫謂無色界繫意思惟相應意入云何不繫謂無漏意思惟相應意入法入或欲界繫或色界繫或無色界繫或不繫云何欲界繫謂法入欲界繫彼所攝身口業彼所攝受陰想陰行陰云何色界繫謂法入色界繫彼所攝身口業彼所攝受陰想陰行陰云何無色界繫謂法入無色界繫彼所攝受陰想陰行陰云何不繫謂無漏所攝身口業無漏所攝受陰想陰行陰及無爲法此十二入幾過去幾未來幾現在謂十一或過去或未來或現在一分別法入若有爲或過去或未來或現在若無爲非過去非未來

陸三

六

非現在

此十二入幾苦諦攝幾集諦攝幾滅諦攝幾道諦攝幾非諦攝謂十苦集諦所攝二分別意入若有漏苦集諦所攝若無漏道諦所攝法入若有漏苦集諦所攝若無漏有爲道諦所攝若數滅滅諦所攝虛空非數滅非諦所攝

此十二入幾見苦斷幾見集斷幾見滅斷幾見道斷幾修斷幾不斷謂十修斷二分別意入或見苦斷或見集斷或見滅斷或見道斷或修斷或不斷云何見苦斷若意入隨信行隨法行人苦無間忍等斷彼云何斷謂見苦斷二十八使相應意入云何見集斷若意入隨信行隨法行人集無間忍等斷彼云何斷謂見集斷十九使相應意入云何見滅斷若

意入隨信行隨法行人滅無間忍等斷彼云何斷謂見滅斷十九使相應意入云何見道斷若意入隨信行隨法行人道無間忍等斷彼云何斷謂見道斷二十二使相應意入云何修斷若意入學見迹修斷彼云何斷謂修斷十使相應意入及不穢汗有漏意入云何不^七斷謂無漏意入法入或見苦斷或見集斷或見滅斷或見道斷或修斷或不斷云何見苦斷若法入隨信行隨法行人苦無間忍等斷彼云何斷謂見苦斷二十八使彼相應法入彼所起心不相應行云何見集斷若法入隨信行隨法行人集無間忍等斷彼云何斷謂見集斷十九使彼相應法入彼所起心不相應行云何見滅斷若法入隨信行隨法行人滅無間忍等斷彼云何斷謂見滅斷十九

使彼相應法入彼所起心不相應行云何見道斷若法入隨信行隨法行人道無間忍等斷彼云何斷謂見道斷二十二使彼相應法入彼所起心不相應行云何修斷若法入學見迹修斷彼云何斷謂修斷十使彼相應法入彼所起身口業彼所起心不相應行及不穢汗有漏法入云何不^七斷謂無漏法入問五陰十二入為五陰攝十二入為十二入攝五陰答十二入攝五陰非五陰攝十二入何所不攝謂無為法入問五陰十八界為五陰攝十八界為十八界攝五陰答十八界攝五陰非五陰攝十八界何所不攝謂無為法界問五陰二十二根為五陰攝二十二根為二十二根攝五陰答二陰及二陰少分攝二十

二根二十二根亦攝二陰及二陰少分何所
不攝謂一陰及二陰少分

問五陰九十八使爲五陰攝九十八使爲九
十八使攝五陰答一陰少分攝九十八使九
十八使亦攝一陰少分何所不攝謂四陰及
一陰少分

問十二入十八界爲十二入攝十八界爲十
八界攝十二入答展轉相攝隨其所應

問十二入二十二根爲十二入攝二十二根
爲二十二根攝十二入答六內入及一外入
少分攝二十二根二十二根亦攝六內入及
一外入少分何所不攝謂五外入及一外入
少分

問十二入九十八使爲十二入攝九十八使
爲九十八使攝十二入答一外入少分攝九

十八使九十八使亦攝一外入少分何所不
攝謂十一入及一外入少分

問十八界二十二根爲十八界攝二十二根
爲二十二根攝十八界答十二內界及一外
界少分攝二十二根二十二根亦攝十二內
界及一外界少分何所不攝謂五外界及一
外界少分

問十八界九十八使爲十八界攝九十八使
爲九十八使攝十八界答一外界少分攝九
十八使九十八使亦攝一外界少分何所不
攝謂十七界及一外界少分

問二十二根九十八使爲二十二根攝九十
八使爲九十八使攝二十二根答展轉不相
攝
分別七事品第四

十八界十二入五陰五盛陰六界十大地法
十煩惱大地法十小煩惱大地法五煩惱五
觸五見五根五法六識身六觸身六受身六
想身六思身六愛身

云何十八界謂眼界色界眼識界耳界聲界
耳識界鼻界香界鼻識界舌界味界舌識界
身界觸界身識界眼界法界意識界

云何十二入謂眼入色入耳入聲入鼻入香
入舌入味入身入觸入意入法入

云何五陰謂色陰受陰想陰行陰識陰云何
五盛陰謂色盛陰受盛陰想盛陰行盛陰識
盛陰

云何六界謂地界水界火界風界虛空界識
界

云何十大地法謂受想思觸憶欲解脫念定

慧

云何十煩惱大地法謂不信懈怠妄念亂無
明邪慧邪憶邪解脫掉放逸

云何十小煩惱大地法謂忿恨覆惱嫉慳誑
諂僞害

云何五煩惱謂欲貪色貪無色貪瞋恚疑

云何五觸謂對觸增上語觸明觸無明觸非
明非無明觸

云何五見謂身見邊見邪見見取戒取

云何五根謂樂根苦根喜根憂根捨根

云何五法謂覺觀識無慚無愧

云何六識身謂眼識耳識鼻識舌識身識意

識云何六觸身謂眼觸耳觸鼻觸舌觸身觸

意觸云何六受身謂眼觸生受耳鼻舌身意

觸生受云何六想身謂眼觸生想耳鼻舌身

意觸生想云何六思身謂眼觸生思耳鼻舌
身意觸生思云何六愛身謂眼觸生愛耳鼻
舌身意觸生愛

云何眼界若眼於色已見今見當見隨彼一
一有分云何色界若色於眼已見今見當見
隨彼有分云何眼識界若眼見色起眼識眼
增上見色若眼識於色若識分別知色是名
眼識界

云何耳界若耳於聲已聞今聞當聞隨彼一
一有分云何聲界若聲於耳已聞今聞當聞
隨彼有分云何耳識界若耳聞聲起耳識耳
增上聞聲若耳識於聲若識分別知聲是名
耳識界

云何鼻界若鼻於香已覺今覺當覺隨彼一
一有分云何香界若香於鼻已覺今覺當覺

隨彼有分云何鼻識界若鼻覺香起鼻識鼻
增上覺香若鼻識於香若識分別知香是名
鼻識界

云何舌界若舌於味已嘗今嘗當嘗隨彼一
一有分云何味界若味於舌已嘗今嘗當嘗
隨彼有分云何舌識界若舌嘗味起舌識舌
增上嘗味若舌識於觸若識分別知味是名
舌識界

云何身界若身於觸已覺今覺當覺隨彼一
一有分云何觸界若觸於身已覺今覺當覺
隨彼有分云何身識界若身覺觸起身識身
增上覺觸若身識於觸若識分別知觸是名
身識界

云何意識界若意於法已識今識當識隨彼一
一有分云何法界若法於意已識今識當識

隨彼有分云何意識界若意緣法起意識意
增上緣法若意識於法若識分別知法是名
意識界眼入乃至法入廣說亦如是

云何色陰謂十種色入及法入所攝色云何
受陰謂六受身云何六謂眼觸生受乃至意
觸生受云何想陰謂六想身云何六謂眼觸
生想乃至意觸生想云何行陰行陰有二種
謂心相應心不相應云何心相應行陰謂思
觸憶欲解脫念定慧信精進覺觀放逸不放
逸善根不善根無記根一切結縛使煩惱上
煩惱纏一切智一切見一切無間等如是比
心相應法是名心相應行陰云何心不相應
行陰謂諸得無想正受滅盡正受無想天命
根身種類處得事得入得生住異滅名身句
身味身如是比心不相應法是名心不相應

三

行陰彼二法總為行陰數云何識陰謂六識
身云何六謂眼識身乃至意識身云何色感
陰若色有漏感受謂此色若於過去未來現
在起欲已起當起或貪或恚或癡彼一一心
數煩惱已起當起是名色感陰受想行感陰
亦如是云何識感陰若識有漏感受謂此識
若於過去未來現在起欲已起當起或貪或
恚或癡彼一一心數煩惱已起當起是名識
感陰

云何地界謂堅相乃至風界如五法品說云
何虛空界謂空邊色云何識界謂五識身及
有漏意識身

云何受謂受覺知痛等苦樂俱非三境界轉
云何想謂想等想增上想於像貌轉云何思
謂思等思增上思思起心行於業云何觸謂

觸等觸增上觸依緣心和合轉云何憶謂心發悟憶念思惟心行境界云何欲謂欲於緣堅持深著爲作欲樂云何解脫謂心解脫意於緣解云何念謂念隨念不捨於緣不廢亂忘云何定謂心等住不動移境不散不亂攝受止一云何慧謂心於法起撰擇相決斷覺知照了觀察云何不信謂心不信受不正思惟不修德本不種善行不造勝業意不清淨云何懈怠謂心下劣不勤勇猛意不捷疾云何妄念謂念虛妄外向邪記云何亂謂心亂散飄馳轉動緣不止一云何無明謂愚三界闇無知云何邪慧謂不順正念邪解決斷云何邪憶謂穢汙意行曲受境界不正思惟云何邪解脫謂穢汙意行解脫於緣云何掉謂心躁動不依寂靜云何放逸謂捨正方便作

不應作於諸善法不勤修習云何念謂於不饒益事於瞋相續起心念云何恨謂苦事不順所欲起心恨云何覆謂覆藏自罪云何惱謂若心熱燒云何嫉謂於所嫌不欲彼利起心妬忌云何慳謂心所受堅著不捨云何誑謂欺僞他云何諂謂起心曲行云何憍謂心醉舉迷云何害謂惱切衆生起心逼迫云何欲貪若欲貪等貪結聚貪室堅著愛樂云何色貪若色貪等貪結聚貪室堅著愛樂云何無色貪若無色貪等貪結聚貪室堅著愛樂云何瞋謂於彼衆生起損害心誹謗苦切云何疑謂惑諦不了云何對觸謂五識身相應觸云何增上語觸謂意識身相應觸云何明觸謂無漏觸云何無明觸謂穢汙觸云何非明非無明觸謂不穢汙有漏觸云何

身見謂於五盛陰起我我所有見於彼堪忍樂著

云何邊見謂於五盛陰或斷常見於彼堪忍樂著云何邪見謂誹謗因果毀所應作於彼堪忍樂著云何取見見謂於五盛陰起第一

見最上最勝於彼堪忍樂著云何取戒見謂

於五盛陰起清淨解脫出要於彼堪忍樂著云何樂根若樂受觸所觸若起身意樂起覺知想云何苦根若苦受觸所觸若起身等苦

起覺知想云何喜根若喜受觸所觸若起心喜想覺受生云何憂根若憂受觸所觸若起

心苦想覺受生云何捨根若不苦不樂受觸所觸若起身心非覺受非不覺受生云何覺若心覺遍覺色覺增上色覺覺數覺覺等思惟羸心轉云何覺若心行少行隨微行隨順

細心轉

云何識謂六識身眼識乃至意識

云何無慚若心無慚不厭患過不極厭離不恭敬不柔軟不自畏不自羞恣心自在

云何無愧若心無愧於他於罪無畏於罪無怖於罪不見於諸過惡不羞恥他

云何眼識謂眼緣色起眼識眼增上緣色眼識於色若識若分別色是名眼識乃至意識亦如是

云何眼觸謂眼緣色起眼識三和合生眼觸

增上緣色眼識於色若觸等觸是名眼觸耳鼻舌身亦如是云何意觸謂意緣法起意識三和合生觸意增上緣法意識於法若觸等觸是名意觸

云何眼觸生受謂眼緣色起眼識三和合生

觸觸緣受眼增上緣色眼觸因眼觸集眼觸
生眼觸有眼觸意思惟相應眼識於色若覺
受等受是名眼觸生受耳鼻舌身亦如是云
何意觸生受謂意緣法起意識三和合生觸
觸緣受意增上緣法意觸因意觸集意觸生
意觸有意觸思惟相應意識於法若覺受等
受是名意觸生受

云何眼觸生想謂眼觸色起眼識三和合生
觸觸緣想眼增上緣色眼觸因眼觸集眼觸
生眼觸有眼觸意思惟相應眼識於色若想
等想增上想分別想是名眼觸生想耳鼻舌
身亦如是云何意觸生想謂意緣法起意識
三和合生觸觸緣想意增上緣法意觸因意
觸集意觸生意觸有意觸思惟相應意識於
法若想等想增上想分別想是名意觸生想

云何眼觸生思謂眼緣色起眼識三和合生
觸觸緣思眼增上緣色眼觸因眼觸集眼觸
生眼觸有眼觸意思惟相應眼識於色若思
等思增上思思轉心行於業是名眼觸生思
耳鼻舌身亦如是云何意觸生思謂意緣法
起意識三和合生觸觸緣思意增上緣法意
觸因意觸集意觸生意觸有意觸思惟相應
意識於法若思等思增上思思轉心行於業
是名意觸生思

云何眼觸生愛謂眼緣色起眼識三和合生
觸觸緣受受緣愛眼增上緣色眼識於色若
貪貪聚貪室堅著愛樂是名眼觸生愛耳鼻
舌身亦如是云何意觸生愛謂意緣法起意
識三和合生觸觸緣受受緣愛意增上緣法
意識於法若貪貪聚貪室堅著愛樂是名意

觸生愛

問眼界幾界幾入幾陰攝眼界攝法幾界幾入幾陰攝眼界不攝法幾界幾入幾陰攝眼界攝不攝法幾界幾入幾陰攝除眼界攝法餘法幾界幾入幾陰攝除眼界不攝法餘法幾界幾入幾陰攝除眼界攝不攝法餘法幾界幾入幾陰攝除眼界攝不攝法餘法幾界幾入幾陰攝除眼界攝不攝法餘法幾界幾入幾陰攝除眼界攝不攝法餘法幾界幾入幾陰攝除眼界攝不攝法餘法

世三

十七

問餘法虛空無事無論如眼界九色界十色入亦如是
眼識界一界一入一陰攝不攝十七界十二入五陰如眼識界耳鼻舌身意識界六識身亦如是

意界七界一入一陰攝不攝十一界十一入四陰如意界意入識陰識法亦如是
法界一界一入四陰攝不攝十七界十一入二陰如法界法入亦如是
色陰十一界十一入一陰攝不攝八界二入四陰
受陰一界一入一陰攝不攝十八界十二入四陰如受陰想陰行陰受大地想大地亦是色感陰十一界十一入一陰攝不攝八界二入五陰

受盛陰一界一入一陰攝不攝十八界十二入五陰如受盛陰想盛陰行盛陰五色界八大地法十煩惱大地法十小煩惱大地法五煩惱五觸五見五根四法五六亦如是
識盛陰七界一入一陰攝不攝十三界十二入五陰如識盛陰識界亦如是
眼識界一界一入三陰相應不相應者十八界十二入五陰如眼識界耳鼻舌身意識界識盛陰識界六識身亦如是
意界一界一入三陰相應不相應者十八界十二入三陰如意界意入識陰識法亦如是
法界八界二入四陰相應不相應者十一界十一入二陰如法界法入行陰八大地法亦如是

世三

六

受陰八界二入三陰相應不相應者十一界

十一入三陰如受陰想陰受大地想大地亦如是

受盛陰八界二入三陰相應不相應者十三界十二入五陰如受盛陰想盛陰亦如是
行盛陰八界二入四陰相應不相應者十三界十二入五陰如行盛陰覺觀法亦如是不信八界二入四陰相應不相應者十八界十二入五陰如不信餘煩惱大地法亦如是欲貪瞋恚無明觸非明非無明觸無慚無愧亦如是

忿三界二入四陰相應不相應者十八界十二入五陰如忿餘小煩惱大地法無色界貪疑明觸五見六受身亦如是
色貪六界二入四陰相應不相應者十八界十二入五陰

對觸七界二入四陰相應不相應者十三界

十二入五陰

增上語觸三界二入四陰相應不相應者十

七界十二入五陰如增上語觸六觸身六思

身亦如是

樂根八界二入三陰相應不相應者十八界

十二入五陰如樂根捨根亦是

苦根七界二入三陰相應不相應者十八界

十二入五陰

喜根三界二入三陰相應不相應者十八界

十一入五陰如喜根憂根亦是

眼觸生受三界二入三陰相應不相應者十

七界十二入五陰如眼觸生受耳鼻舌身意

觸生受六想身亦是

眾事分阿毗曇論卷第二

音釋

諍側逆切 穢於廢切 五陰陰於切 掉徒弔切 忿扶吻切
 也怒切 誑誑古切 况况切 欺欺切 僞僞切 撰須充切
 同與還切 飄飄切 馳馳切 招招切 欺欺切 僞僞切 撰撰切
 詭詭切 誹誹切 誹誹切 非非切 撰撰切 撰撰切 撰撰切 撰撰切